

Oqaluuserisassanut nassuiaat.

(Inatsisartut Siulittaasuut)

Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliap qinnuteqarneratigut oqaluuserisassani immikkoortut 116, 117 aamma 163 aappassaaneerneqarnissaat maajip ulluisa 30-annut, pingajussaaneerneqarnissaallu juulip ulluisa aappaannut kinguartinneqarput.

Immikkoortut pineqartut qulequtaraat:

Imm. 116: Uunga siunnersuut: Kulturikkut ingerlatsineq sunngiffimmilu

sammisassaqaqtitsineq pillugit Inatsisartut inatsisaat nr. xx, xx. xx 2016-imeersoq,

Imm. 117: Inatsisissatut siunnersuut: Timersorneq timigissarnerlu pillugit Inatsisartut inatsisaat nr. xx, xx. xx 2016-imeersoq, aamma

Imm. 163: Siunnersuut uunga: Eqqumiitsuliornermik ingerlatsineq pillugu Inatsisartut inatsisaat nr. xx xx. xx 2015-imeersoq.

Inatsisinut Ataatsimiititaliaq qinnuteqarpoq oqaluuserisassani immikkoortup 24-p aappassaaneerneqarnissaata juunip ulluisa pingajuannut kinguartinneqarnissaannik.

Immikkoortup qulequtaraa:

Imm. 24: Inuk pillugu qarasaasiatigut paasissutissat pillugit inatsisip Kalaallit Nunaannut

atuutilernissaanik Kunngip peqqussutaa Namminersorlutik Oqartussanit ilalerneqarnissaanik Inatsisartut aalajangiiffigisassaattut siunnersuut.

Siunnersuuteqartup oqaluuserisassani immikkoortoq 135 tunuartippaa.

Immikkoortup qulequtaraa:

Imm. 135: Aalisarnek pillugu Inatsisartut Inatsisaat allanngorteqqullugu imaalillugu Kalaallit Nunaata kitaani raajanut TAC-ip agguanneqarnerani sinerissap qanittuani aalisartunut avataasiortunullu assigiimmik 50/50-ngortillugu suliareqqullugu Naalakkersuisut peqquneqarnissaannik Inatsisartut aalajangiiffigisassatut siunnersuut.

Siumup oqaluuserisassani immikkoortoq 134 tiguaa:

Immikkoortup qulequtaraa:

Imm. 134: Nunatta maannamut taaguutaa "Kalaalli Nunaat" "Inuit Nunaat"-nik taarserneqassanersoq pillugu apeqquteqaat aallaavigalugu Inatsisartut oqallinnissaannik siunnersuut.

Immikkoortup UKA2016-imut kinguartinneqarnissaa qinnutigineqarpoq.

Naalackersuisut Siulittaasuat oqaluuserisassanut immikkoortumik nutaamik nalunaaruteqarpoq. Taanna oqaluuserisassani immikkoortutut 16-itut: Naalackersuisunik qinersineq, sammissavarput, oqaluuserisassanut nassuiaat manna naammasseriartsigu.

Ilaasortat uku akornanni taasisarnerit pillugit isumaqatigiissuteqartoqarpoq:

Naaja Nathanielsen, Attaviittoq aamma Justus Hansen, Demokraatit

Agathe Fontain, Inuit Ataqatigiit aamma Siverth K. Heilmann, Atassut

Per Rosing-Petersen, Partii Naleraq aamma Poul Hansen, Demokraatit